

四庫全書

史部

欽定四庫全書

八旬萬壽盛典卷九十四

歌頌 十四

萬壽恭擬江淮擊楫謠九章

謹序

漕運總督臣管幹珍

臣嘗考洪範九疇次八庶徵曰九五福而以壽居  
福首蓋王者念用時叙休徵洽汁於時珍符閭懌  
之氣鵷華一人之身天用眷於有德沓祉厯禩罔

弗攸俾譟應之理有如斯者我

皇上健行不息靡日不以敬

天勤民為念

臨御以來文德敷武功鑠宙合宴謚荒憬遐邇雖古稱  
太平之盛無以加諸而猶

孜孜於持盈保泰之道厖厖於斂時敷錫之原宜其綿  
瑞產嘏與天無極矣歲庚戌仲秋之月辛酉恭逢  
聖壽八旬開袞之期

上方旋蹕自避暑山莊受臣民慶賀禮景雲叢聚八風  
循道

五世一堂繩繩翼翼凡踰沙軼漠棧山航海之國俱以  
次敬闕來朝洎夫禮官儒林惇用薦誨之士鯢齒  
梨眉鮐背之叟莫不抃蹈衢壤頌

天子之萬年

皇上迺申錫無疆之庥滋液滲漉復田賦賚粟帛開特  
科攷曲赦既有

詔施行復

命鑄玉為寶曰八徵耄念仰見

省歲之殷

勅幾之謹夙夜不敢康

聖人之情見乎辭視彼延壽之刻及觀河拜洛獻鳩遊

扈之說相懸奚翅億萬耶

臣以懵學玷侍從涖膺

寵數拔置卿貳

簡督漕庾一年於茲每往來江淮間聞篙師櫂郎沐膏

咏勤之語居多言雖不文而順則喁于猶有扣轅  
擊壤之遺意謹哀采為謠九章敢拜手稽首以獻  
懿哉

聖德恒久離章梯霄磬域躋爾壽康

荃宰俛鏡降祉滂洋青龍在商橫壽星見於丁方

八千椿算開無疆星輝虹繞駢轅乎

五代之堂山膏漱醴河潤榮光虛牟六合而不言瑞惟  
雨暘燠寒風時乃是用覆丹文赤篆蟠螭截肪照

灼圖牒兮孕虞育唐 其一

灝英旋樞若鼓有桴

至誠無息則圜而行合天地數為五十有五席蘿圖而

奠清寧

六輶旂乎江介

四展謁乎

豐京翕河抱溟檢岱祠亭洋噦協

軫其聲中乎韶龔祗羞韋覩吏礪端平四海之內咸承

風濯俗以荅

瞻而效靈吾儕蚩蚩如踐旄敦而度高酌汎濫而闚深

曾何能磬萬一之名

其二

奎曲縟景緯儒館為淵源

宸翰十萬第甲乙豈數葛天八閼堯神人遊羣玉之冊  
府綠函緗帙籤牒藝芸歲給上谷墨月縻大官紙  
三萬六千軸載以瑤華輪自

天祿延室以達於外史抗七閣為通津洪教闡象載



一再譯同文

審三微

晞七均采歸昌

命伶倫驥毛虬甲獵碣十

辯宗韋韓斤紛綸編珮疊壁嬋周雅綠槐黌市重鐫珉  
西曲學之瀦濤韋演逆乎

紉雲具三

泰儀幹運威噲秋霜

神武七式粵振旅自金方回準革面犁庭掃穴寘耕桑  
槃瓠通譯促浸拓疆蠢彼蘇田泉林莊震盪惴慄  
揮天槍南漸島嶼西隴羌譬若風隕擗海澆螢曾  
不匝月而殲夔魑與猶狂洗兵刷馬鋒銷燧障萬  
里一垌尉候相望願世世長為安樂屯其四  
燾幕遐復續紘垓垓我

皇道平平寢蝟何遠陬澁何偏東南徑二萬里西北之  
廣倍焉青海濔淥江淪連歲一納畫浪舶駝韉

茲白之獸獻驃國徠控洱而泝滇戴瘴簪鼓球江  
芑鉦承

天助順奠彼山川廓爾哈面內欵塞居延凡白澤之未圖  
大章之未步西王母之未獻疇勿登我文閭萊幣  
之編 其五

曲臺眊上儀遺年古未有

渥瑞茲龐鴻

帝曰人惟舊園流建橋門送拜迎三壽

次階欒衛尊需雲飫千叟乾元開大酺丞尉致羊酒哂  
彼元會儀較此瞠乎後瀛嶽薦蕃禋景牘入函奏  
禮官甲乙科窮經紛皓首

賚秩均有差署年量從厚老臣

帝座旁高領彭佺袖聞喜宴重邀嘉話洛中九恒春蒲  
柳榮

南山松栢茂

其六

斟元輔化觀文以成

釐正宗黜絺繪

詔自今決科其課試夫五經際

闡禧而

晉衷廣翹材以育英桐岫筵翼桂譜寒榮壯奎垣而旁

魄燭藻儼芳漢京充庭金箭匝序笏纓

上廼念虔輦於有位凡百執事洎卿大夫各就見階進

一秩俾

寵告於爾所生鳳銜十賚翠章淑旌僉含和吐氣而頌

德聲 其七

察鴈調鷄井壤登豐

均振迭蠲俶懋田功維

釀化汜濩隱賑眎赤緊望差上下中

普免天下惟正之供顧猶

厘茨檐之卑處忍實不至於劬鴻其今占名田雇力者

毋收今年租庸杞無懸杞野有滯種它如豁逋牒

卹孤孀禁罔濶園土空暑緯景應長庚春融允宜

樞燎薦煥  
謳聳升中告綽綰於名山大川百神秩祀之宗 其八

戴穹圓者不知

昊綽之巍巍依陽曦而宅照不知皓靈於何胚胎

堯襟舜抱詎聞思擬議所能賅恭維

八旬天子念八徵疇圖表裏相根莖先天卦位昉成數  
從茲泰元增筭自萬有一千五百二十遞推行夫  
億兆京垓瑤光下燭星雲回我

皇萬壽萬萬壽有如此稊米之積川之來稊米之積川  
之來呼耶飲唱歌臺菜夏乎盛哉其九

萬壽恭紀七言詩一首

栢梁體二百韻

謹序

吏部左侍郎臣金士松

皇帝膺圖御宇介受純祉五十有五載歲在上章日月  
會壽星之次其辰辛酉恭屈

八旬萬壽昌辰寰瀛凱豫充被熙和粵若初

恩言肇宣



詔開春秋甲乙科

蠲四方惟正之供迺月正元日頒

溫綸數

慶澤普

錫福於四表辯於上下神祇咸秩迺昭燕於

廷山豆瀛尊侏僂率舞太史告百穀之瑞兆於田功

爰撰今日崇燎

泰壇嘉貺紆荅遂

東巡泰岱祇禮

孔林令章備舉問俗陳詩百工黎庶大和會五月

鑾輅幸避暑山莊羣藩翹跂奔走偕來徼外曠達屬國

輸琛納賁南交君長親覲祝

釐願受冠帶矢長列藩服懿夫

聖德之廣被靡遠不暨也維時共球之集敷邇率邇

滙於

京師輯昭

王會軒舞迎

鑾樹領竦頌思旅底厥悃

皇上迺順輿情懋舉

盛典膺

延喜之玉晉

萬年之觴越在內服王公卿尹庶士百執事越在外服

岳牧羣有司暨里居耆成人僉瞻矚丹墀虔祝

聖天子祐萬融長之運純純常常奕奕允自今

寶算延洪

天庥滋至其周於元會運世如環斯循申翼以萬億年臣

備員卿貳侍直

內廷飲聽驩飲窈慕賡颺之義惟七言昉於漢世而  
全篇備自栢梁謹仿其體成千四百言遭逢之盛  
視尹吉甫召虎之倫實遠過之臣不勝大幸不揆  
媿陋謹拜手稽首以獻其詞曰

光融

壽宇舒延覃角亢星麗瑤階南庚長戌茂景曜占成嘉  
於酉月日魚卿雲聚聚醲露醴駢祥輯祉和氣涵  
純常

寶算瀛籌添

八徵

帝念感至誠承滋納凱調和甘榮光鏡宇通蔚藍元正  
丹綉彩鳳鵠與春偕來

澤普霑

昊緯契合

帝德欽苾芬  
彤璽親奉歆每歲

躬舉

大祀三

園壇

方澤昭事嚴執徐之歲  
集議僉方成田步夙所堪  
簡儀倍

致崇肅瞻閱久無數

天心監泰壹神策啟佑深  
如幾如式調和愔仰惟

謨烈

天與參紹衣

繩

武昭誠謏灌秬

對越升香醺虔奉

冊

寶輝珠函豐岐

四詣瞻

旌綵雲雷

締造

神威戡伊薩  
涵許豐碑刻紀

恩之堂貽櫛參

松風萬壑開晴嵐  
瓜瓞引紹緒  
遽得宗藩

錫宴歌慝慝

聖皇勤治日照臨  
百工信飭功績  
庶封章

批發時無淹寧依



聽政曦光暹樞臣日對承

綸音岳牧時

覲來駁駁

諏咨民隱宣幽階金科玉律

釐洪纖與時攸宜民所欣官方澄叙計上廉因材而薦

辨杞柎蕩平遵路無頗論青瑕洗滌

恩波沾

慈雲覆被芳澍霽

時巡展義春和湛南國六望

鑿旂耗維茲浙海臨沙漁兩山夾峙排赭龕三疊吞吐

迴潮濫

親臨相度懷民碧長茭用楫巨石嵌北岸漸漲南坻坍

范塘鞏固聯呀嶺

籌河豫計波激湑憶昨儀漫工憑恣徙清河議徒謁謫

北崇南庠形勢覘金門遏溜風卷礪歸德古隄舊

鑿鑿因高培厚融泥黏瀾寧淮甸茂秣穠天門練

峯雲襪襪嵩高漢栢蟠蒼岑兩淀綠鋪伊水衾五  
臺花馥梅檀林經過

翠輦民樂妣

春膏疊被饒浸潭

優祖

賜復濡列闔鏐牌捧持錫髮髮黃綿溫換冬衣檻寒原  
翹秀精擇擇書升論秀增新銜苔紋湔濯潤雨靈  
稠華上黍苗稽稽水青羅帶山碧簪象契仁智諧

宸襟懸崖

睿藻鐫瑤瑛彤霞萬丈披層露益道長裕孚

惠心林林環繞歌有壬夏而平糶滋玉糲寒給糜淖春  
生驚便程補助增飽饜更昭

茂澤普沃漸

四蠲正賦潤閭閻獲登再稻繭八蠶隴暈翟羽桑飛雋  
春臺納豫薰含炙墉崇百室凌阜降羔羊朋酒頤  
老酖力田孝弟俗靜佚運漕

再免翔南颿屯衛優洽蕃丁男通庾充湓鋪穆稗四時  
玉燭融和磨八荒暨訖通鰥鰥疇或渝教煩戈鋌  
天鑒順佑逆者咸井鉞煌耀參旂綬

帝握神筴操玉鈴電驅雙轂颿馳驂準噶爾部元餘燿  
兩和卓木狼噬貪

天戈所指光熊燄威懷羆兕批鼉尅雪搏圓礫月銳鑱  
天山瀚海鉦鼓僥犁庭掃穴騰金鐵

論昭解惑息衆誨金川負固逋鼯鼯攻碣氣振凌巖嶮

霧衝叢箐剪密筍巢穿鵠鵬窟取兔遂使鳥道成  
平巖

鴻圖益地通峯窟里闢二萬韜弭錡安西屯種渠引潛  
新疆雪水洗鹵鹹嘉禾翼秀董節芟維州麥稞環  
韭蕝宅畋樂業飽且酣喝陰樾下松檜樵回孽競  
閑兩用燄折筵旋踵收獨獫臺島鯨突化觸麋鹿  
耳波涌迎祥帆搏桑曙色消氛侵凱歌海外和聲  
馨悉稟

睿算揚威鈇

武成九告邊遠詹

詔繪

紫光肅劔鐔戰圖

宣示輝旂綬勒銘紀績

謨炎炎埏紘齊軌舒帷幃同文

雅化敷閱譚

典學稽古

聖性耽集成四庫供搜探永樂舊典驅陳蟬獻書不待  
邀帛繚舟車捆載留梅黠鑒別誰區珪與璿經進  
乙覽排芸籤折衷

至訓昭古今經子興義窮深湛史集垂後徵信訖遠紹  
上溯雲師郊掌故間及稗乘談

四閣翼翼度廣尋派分南國三江潯亦如星宿拱彩  
蟾流貽善本梨棗輒傳鈔並

許伸畢佔



教澤麓土霑時霖

御詩五萬諧韶咸

鴻文二集

天筆拈奎壁璀璨開雲緘

詔開圜壁溶流瀦香生芹茆槐披陰禮行

釋奠排旌多

御論義符敬勝箴作

君作

師位並任

集成石鼓鐫珉琳橋門觀聽環胄衿士不談道樵夫慙  
或鉏而帶或織簾繹思經訓味粹醇六開

恩榜采箭金中林棧樸鹿野苓

宣定律呂審玉玲重敏迭柳分清聆黃鍾響詎同巽飢  
中倫古調無差侵熊朋來瑟姜夔琴一音一字辨壻  
巽

訂全詩譜黍析娥慶隆進舞輝燄燄中和備樂調穀絃

克鰭聲叶來儀禽即今諸國納賁縣遲羅踰渤通  
航舩南掌呈象奇毛倭名香西藏宣穡譚臺番旅  
致明月蚶緬驃

錫命感覆奩廓爾喀進貝葉函交藩躬

覲南指鉞請奉冠帶孚厥懋

五福五代堂翬簷壽民

壽世嶺髮齡瑞人坊斲山岳替曾元提抱調和醢嘉徵

駢萃化宇恬

聖敬悠久持以謙

皇極敷錫周蒼黔中衢之尊共酌斟九如晉祝臣民諳

萬方襲舞同歡吟

萬壽恭紀四言詩一篇

三百二十二句

謹序

吏部右侍郎

臣沈初

欽惟我

皇上御宇之五十五年秋八月恭遇

八旬萬壽聖節先是歲庚子羣臣以

皇上壽躋古稀籲詞祝

嘏

聖德謙沖不允所請至是又十年

天庥滋至

聖壽益隆

鴻施駿業顯懿景鑠率土氓庶咸願上

萬壽無疆之祝中外大吏覩羣情之悅豫合辭請舉

慶典乃發

德音

覃慶惠滋液滲漉暢垓汭埏自元旦

賜宴羣工孟秋之月於

山莊宣奏鈞樂肆覲藩服

蹕旋京師屆

慶辰

御正朝受賀自王公以至卿尹庶司舊藩新部抃舞祈  
暢莫可名言煌煌乎千載一時之遇也粵稽自古

帝王大德得壽無不多歷年所誠以聖同乎天  
之行不息聖之誠亦不息天之命不已聖之德亦  
不已所謂同也然而伊耆之惇九族未聞詳臚子  
姓姬后之育百男亦未聞迭見曾元則受天之祐  
雖昌而大猶未極其至也蕩蕩之德巍巍之功純  
純之祉繩繩之慶孰有盛於

今日者乎

皇上猶兢兢業業日慎一日既于

七旬萬壽之年製

古稀天子之寶副以猶日孜孜並

著說以申其義茲復取洪範次八念用庶徵語篆  
八徵耄念之寶又副以自彊不息

御製記以

寅承

昊貺

專錫庶民乾乾夕惕日進無疆為



念是猶

書無逸之文于屏

揭戒得之訓于堂薄海臣庶咸喻

皇自敬德祈

天永命之至意所以

壇

廟大祀必皆

躬親行禮今年復

宣諭禮官

中祀皆

親詣一周以昭誠敬諏二月初吉舉

東巡守之禮

躬秩

岱宗

展謁

闕里

聖容穆穆不懈益虔

健行之德與

天合符洵嘉樂之詩所謂受祿于

天保佑命之自

天申之者也

德孚于上光化于下壽期頤者以千計見曾元者二百

家和氣

醇化涵濡浹洽耆民耆長仰副

壽考作人之盛矧復

皇風溥被浩蕩靡涯異域荒陬喁喁慕

義自古聲教未通之國無不稽首

闕下恭獻

壽卮臣等敬編

萬壽盛典一書于

天章

聖德典禮

恩賚圖繪歌頌六門之外復增

聖功盛事二門誠足卑塗山之玉帛而軼文閭之車乘

矣臣獲侍

內廷目覩

皇上盛德大業炳麟連蹠冠乎謨典欲效詩人詠歌之

義以宣

上德而達下情而管窺蠡測不能揄揚萬分之一謹撰

四言詩一篇拜手稽首以獻

歲在上章支直奄茂月應金穰星見弧宿

皇帝陛下

八旬萬壽協氣和醲化洽厚庶彙訢閭羣生阜富中外  
受

福莫不瞻就羣工籲祝勤懇敷辭迺下

俞旨迺

沛恩施

天子若曰予思民依予代

昊蒼惠此庶黎貸汝稅賦汝家用肥賚汝粟帛汝老用依  
予宥汝讐衿恤圜扉其汝鄉士用錫爾禧典命晉  
秩禮官布儀簪裾蹈舞戴我

皇慈

聖懷謙沖慎德若始

曰時庶徵予永念爾八十曰耄記在曲禮

天惟顯斯敢不敬止遴玉鑄篆適

示深旨

八徵耄念厥寶莫擬既作

大寶

大文爰記奉

天惟寅

視民猶子孜孜自強有進靡已於赫我

朝受

命孔長戰薩爾訥

威懷丕揚



列聖通嬪緝熙重光

昌基景祚畀於我

皇我

皇建極

文武聖神

聖不自聖

舊章率循

陪都

四莅南國

六巡

製金韻詩

美牆儼親史宓戕戕

實錄藏珍我

皇欽觀間日一陳凡

大謨訓是奉是遵

萬幾之繁

綜覽魁柄

批荅封章

數宣詔令監司牧尹下逮一命

召見引

見用人必稱有隱必陳並

觀魚

聽疇脩厥職

帝則有慶疇曠厥官

帝用董正

聖人無心遇事立應若水鑑形如天正性埏埴萬類入

安兆姓捍海治河隄防綿亘

相度平險譬畫緯經鉅費

發帑咸奏底定

皇錫庶民曰大賚爾蠲租者再惟歲丙巳蠲賦者三逮

今四矣富藏閭閻力懋耘耔偏隅或歛

帝用厯止展賑常賑

命善經理及告豐登

皇心廼喜

詔封疆臣雨雪歲啟陳奏稍遲責其懈弛有涉祥瑞必  
戒其始環顧隰原高廩錯峙邊屯之外亦獲秬秠  
沐浴歌詠綏屢樂只

對時育物

建極敷言日新富有積數萬篇敬

天勤民

盛德聿宣倬矣雲漢浩乎淵泉

至文昭布闡揚精詮理絜其綱大中無偏古所未發今則躍然意愜辭卓旨立義堅與道為體因言以傳

王謨帝典

聖備其全苞孕星嶽琢磨方圓

化成天下是為衡權

心法

治法一貫斯文用合神妙功參地天諸家說經傳疏注

箋

審解訂謬

識據象嶺周

觀前史得失糾紛

丹豪評隲剔隱扶根覺世衷

聖垂

訓體乾蒐輯羣書

四閣四庫既刊聚珍復

頒三部全書之副詞垣是貯日下多士均俾傳布翼翼  
太學羣材受鑄爰建辟雍式周禦度

親臨講學園聽快覩石鼓遺文

重編章句以

惠來者典則備具載

定樂譜補佚正誤宮商悉調工尺駢注發為中和諧于

韶護

制作善美



教澤浥漑於惟

聖人義正仁育有不率教必令讐伏昔準噶爾兩和卓  
木大小金川先後濟惡臺灣阻海蠢茲蠻觸堂堂  
王師雷迅電速搥穴犁巢逐竄執威淨洗甲兵歲則大  
熟

五告武成成于

帷幄遠方聞之罔不殲觶土爾扈特願就藩牧痕都斯  
坦願作臣僕維廓爾喀路隔西竺敬慕

皇風請受羈束方物畢獻遣大頭目奉

三寶佛合掌頂祝燭燄陸離鞞鞞連續緬甸南掌暹羅  
之屬及夫生番無有不服安南君長懷

德向風稟朔職貢稽首來同服我衣冠列我臣工事我  
君父肫摯由衷

帝嘉悃欵

錫予優崇鴈臣鳬藻喈喈雖我

朝幅員遠軼三代我

皇拓土益廣而大鎮迪道屬嘉峪關外曰安西府曩牒  
未載橫經鼓篋士數百輩惟承德府設於

上塞特創

文廟亦置官廨日蟬月寢蒸蒸藹藹風雲測占海宇  
亨泰是由我

皇奉若

天時

壇

廟大祀

祈穀崇儀

精禋蠲潔必

親必祇五十五年

聖敬日躋

天人叶應習習祁祁雨暘時若

福履綏之昔在

冲齡親侍

聖祖

題五福堂實兆

續緒乾隆甲辰

帝見元孫增

書五代用紀麟振昨歲就傳新正入讌

皇家盛事從古未見維

天維

祖眷祐

聖躬彌性純固

篤祐延洪

宵衣視事秋猶肆功四闢進善

三推劬農

健行不息

執兩用中民生

聖時熙熙皞皞黃髮台背期頤壽考拜

恩宴者三千耆老

賜杖

賜幣重以

天藻百歲之坊聯屬

王道五世同堂屢見奏表春試耆儒官以檢討及學正  
銜

惠溥澤浩百有十歲閩之龐皓晉階鴻臚

寵命綏保諸福之來環應疊兆美哉盛哉大哉皇哉

天冒八極


聖陶九垓高明悠久鼓舞化裁衢歌聲暢

王會圖開萬方臣庶奔走偕來

臣願

聖壽萬億京垓





八旬萬壽盛典卷九十四

欽定四庫全書

史部

欽定八旬萬壽盛典卷九十五

詳校官通政司經歷臣郭祚熾

欽定四庫全書

八旬萬壽盛典卷九十五

歌頌

十五

萬壽恭紀萬年歌三十首

謹序

戶部右侍郎臣慶成

欽惟我

皇上緯運乾綱庥綿鼎祚

握貞符於翠瑤

考絢祉於丹函

芝檢長凝錫昌昌之福緒

蘿圖鞏固脩奕奕之祥源運躋唐日姬齡

治邁羲年昊歲焱馳

文命浹流沙蟠木之鄉燁赫

威稜綏瘴海水碣之地

龐褫溥鬯熙九有於春臺

醲化覃敷納羣生於

壽寓臻

五世一堂之慶屆

八旬萬壽之期

保合太和紀筭極節章之盛

緝熙純嘏建元協天地之全餐藉

淳風臻耄耄者三千叟泳游

閨澤抱曾元者二百家鰈國鷁邦共近

光乎晉晝日支月寤咸飽

德乎需雲固已吉萬而祥千奚啻登三而咸五迺際開  
韶之首復覘

重巽之申洪

化澤於九垓溥同波濊

祥恩於六宇休與風翺八表歡騰三垂慶協梯山浮壑

羣斟

舜日衢尊駢篠攜筇競上

堯天華祝臣風隨

豹尾覩星旄雲罕之章今綴鵷行瞻繡葆牙幢之綯  
忱翰巷舞歡附尢誼其詞曰

帝車獨運斗杓東閭闔祥開繞

紫宮

軒筴長綿仁壽慶萬山無嶽不呼嵩

八八相生卦畫重月盈桂序吉祥逢

建中數衍箕疇五垓寓均沾

大化醲

瀋遼

王業造家邦

櫛沐經綸適駿龐純錫備蒙

天眷渥

萬年卜祚古無雙

泰壇昭報潔明齋

祈穀躬親

鑒在茲自是



仁人能格

帝條風協候雨知時

封章奏報達京圻  
上夜

披宣勅萬幾共仰

明誠能燭隱十洲澄鏡朗清輝

六輶江甸迓

鑾輿

禹績敷宣遍淪疏

睿畫周防繩

祖武排檣甃石奠民居

衍沃

興京啟壯圖

瓊軒四謁燦祥符  
祠亭檢岱無文秩  
翠渚應呈賁篆鱸

宸翰光昭煥壁奎  
琅函四庫燭青藜  
縹囊緗帙璫瑤軸

文治從教到譯鞮

鴻都苔石耀羲媯  
蚪蚪籀重新

審製排

辨正昌黎周雅合紛紛聚訟旨多乖

中和

建極創新裁

虞軫祥囀景慶開一字一聲

頌玉律咸池夏獲八音該

五集輝煌

聖製新

幾間摘藻即為春更緒象載敷洪教學海珠船祕逮津

甲科造士五經分輪試重頒

異命聞蕊榜

特開賢路濶青衿廣額荷

陶薰

碧桃丹桂劖雲根九萬扶搖荷

寵恩皓首觀

光償夙願銜階分錫耀蓬門

溟徼懷柔

聖澤寬盱睢通譯拜

瓊璽金桃玉鬯陳

庭寶策幣駢羅萬國歡

海外恬風靖八蠻南賓忭舞觀

龍顏欣陪期衛循章服毳驚新從

紫禁頌

大小金川地勢連

天戈西指靖狼烟番疆遠隔

堯封外齊上丹書頌

舜年

姑羗梯棧競趨

朝萬里葱山積霧消瀝悃臚歡呈妙伎娑盤獻舞入

雲謠

心傳千古契神交孔思周情

帝量包泰岱雲開迎

翠輦

聖人親莅

聖人郊

田功夙夜

念民勞維正蠲除

沛澤膏綏萬屢豐民慶溢襲軒鼓舞雲璈

泰運均調玉燭和飲芳挹旨遍衢歌貢珍川嶽紛符瑞

九茁瑶芝兩穗禾

聖日還符佛日華一堂

五代盛爭誇康彊逢吉增

椿紀奕世雲仍福履嘉

古稀鵠

寶凜幾康

八袞新開介

壽觴搏總羲圖數禹範自

天勇錫慶無彊



寶篆新摹

老念縈雨暘寒燠契

皇情

八徵特為民依切

帝德如

天大莫名

肇慶元正茁瑞藹圖開王會祝

軒齡

鳳書銜出

皇恩渥五色祥雲拱

帝庭

星從箕畢叶休徵萃

福迎

釐本

敬承為黜華文申

訓誥服膺倍切凜掾氷

綸章頒自

玉螭頭

三錫榮加逮九流解紱羣工叨異數

恩波重沐滌瑕尤

耆老扶鳩塵

睿心奏書疊晉戴

恩深鸞章鳳諾宣

榮賚喜洽佺期鶴髮簪

山莊

旋蹕策金駟甌宇祥和

帝澤覃里忭塗歡齊介

慶秋中星彩耀弧南

天街羽衛列森嚴

瑞箕稠綿海屋添無量

福兼無量

壽延洪敷錫答輿僉

文階

特晉換頭銜珍重

龍綸燦寶函願祝

堯齡申億萬

泰元神筴啟瑤緘

萬壽恭擬古歌九章

謹序

戶部右侍郎臣韓鏐

臣聞民生而志詠歌所含興發皇世萬代永耽盖

惟聖人神靈首出膺祉繇富醴修醲化深浹人心  
故其時含生載氣之倫陶染聖渥沐浴膏澤莫不  
口之言之千人唱萬人和如風過簫羣籟畢發如  
雷奮地諸萌畢達喁喁于于罔克自抑觀於雅頌  
所述南山之歌萬壽天保之祝九如純嘏緝熙詳  
於載見綏眉介祉載在來雖可得而披也若乃事  
存三五篇系八九賡皇叶帝適聖揚神抑又進矣  
我

皇上功德高深

壽祺申永

文教敷被

武義光赫和

神寧人恢絃拓宇漸摩之久蕩蕩難名服屬之多萬萬前

古歲在上章奄茂

龍飛五十有五年慶際

八旬萬壽敷天介慶率土臚歡寰宇內外波赴雲湊蕃

來

京華極思殫誠祝

釐效款上有王公大臣下則百僚耆士綴文摛藻歌頌  
聖德裔皇典則羣體畢備而外藩屬國漸被

聲教來應

王會虔祝

洪禧者亦能作為聲詩數揚

大業抒寫忠誠煌煌乎誠亘古所未聞希世而一會者



也臣職佐度支躬承

恩渥雖文采固陋綴學未精亦思勉竭悃衷跼跼為詩

榮鏡

顯符伶詠

聖祚伏謂我

皇上包元履德執象陳樞則太和舒和不足歌也

甄陶六合裁制萬邦則隆安正安不足方也

夙夜毖

祀灌獻

躬親則明堂寶鼎不足炫也

武功九成拓地萬里則饒歌朱鷺不足紀也

四巡展義

六駕觀民則甘泉樅陽不足陳也萬方

王會旅百充

庭則白麟赤雁不足吟也同文三國和章七人則唐

祚蓬萊不足聞也夫測天地者雖莫竟其崇深而

圓方可度繪日月者雖莫窮其光曜而升恒可程  
自四始以來流為樂府五季而後轉相規模郊廟  
朝廷裡祀燕享異代同聲而歌功頌德之作韓詩  
柳雅號為卓鑠而時不足以相稱三百之什又尊  
之為經莫敢規撫今

皇上以如天之德普蓋地之庥六幕八挺齊聲協頌允  
宜準繩十紀締繪三皇庶幾歌舞

鴻庥之萬一是用廣搜博考採古歌謠之名事合吉祥

義歸典訓者附麗

皇道補演秘文一曰玉牒辭二曰大化歌三曰載民歌  
四曰無射歌五曰宮樂謠六曰豐年頌七曰神鳳  
操八曰大順歌九曰龍袞頌詳列於左各注所言  
雖葛天八闋名未全收而夔后九功數惟一貫謹  
拜手稽首獻之

闕下用對揚

聖天子萬壽萬壽萬壽之景運歌曰

皇天垂儲興東方百千萬禩篤我

皇乾亨坤慶

皇壽昌安萬國定四陲永無極

右擬古玉牒辭歌

皇帝萬年有

道

泰鴻網緼粵宛渾淪含養蠢化大美無言螺飛跂

息含精飫醇

聖人御宇

功侔

大造饑則有食勞則使妥眉黎孩稚各以心禱穰穰熙熙

樂我

皇道

右擬古大化歌歌

皇帝又道化成

民之好

帝則成民之善

帝則馨民之慶

帝則寧坤為輿行無疆載萬物利永貞

右擬古載民歌  
歌  
皇帝行

慶施惠

聖人履極兮天下綏寧遠人慕

德兮莫不來庭陸有西域兮水則東瀛雕題交趾兮鑿

齒竒肱譯云祝

聖兮異口同聲

右擬古無射歌歌

皇帝王會萬方

六飛風駕兮

時巡岱宗

觀風問俗兮匪言崇封念昔省方兮于臺于嵩江介

六巡兮

指示塘工今來

孔林兮更暢儒風

聖人舉典兮

日新彌隆

右擬古宮樂謠歌

皇帝時巡東方

時和歲稔惟

帝之力九賦既貞三壤咸則

錫羨延洪四蠲

霈德



綏邦屢豐益茂稼穡

右擬古豐年頌歌  
正供

皇帝普免

戴仁抱義惟鳳之英  
奇律歸昌惟鳳之聲  
秋秋蹠蹠巢閣儀庭  
卷阿託詠賢亦其朋  
應時壽

聖億載千齡

右擬古神鳳操歌

皇帝開科取士

家有來雲繞膝將將

皇有聖德大而生

天支五葉五福名堂

八徵省歲

逢吉康彊

右擬古大順歌歌

皇帝五代同堂

垂裳被袞履泰乘乾四方來賀

萬壽八旬

精神純固

福祉繇繇

本支百世

天子萬年

右擬古龍袞頌歌

皇帝萬壽無彊

聖壽無彊詞十章

依唐臣楊巨源韻謹序

禮部右侍郎臣鐵保

臣聞訪洪疇於十三載嚮五福而念庶徵作小雅  
者廿一人答九如以歌天保越萬八千歲而為紀  
直邁三皇等七十二君以稀儔豈惟六帝猶陳抑  
戒勤不倦於

耄期恒勵乾行

聖自由於

睿念浹加年于衍洛欣符五位十成千協吉于大橫恭

屈

八旬萬壽寰瀛共慶大地皆春川效嶽修上助高深之  
致翔飛蠕動咸鳴

燾載之

思固知

蕩蕩者無能名莫罄三言之祝然而昭昭者隨所見猶

思一管之窺況

實政早播于聽聞斯嘏詞率由于胸臆欽惟我

皇上惟天為大如日之升建

皇極以用數本

健行而不息奈何弗敬

揭名誥之一言則知其依凜周公之乂始

乾稱父

坤稱母

躬祀而典茂肅雖仁率

祖義率

親紀

恩之堂維前後本刀玉球圖之旨寶詠勤民師豆觴机鑑

之銘屏書勵政

揆文

奮武七德與七閤胥成

寧壽樂全五福增五代斯建勅幾慎憲惟君子知柔知

剛知微知彰申命用休故

大德得位得祿得名得壽而猶

聖懷自抑

帝道彌謙當開

七袞之壽編願上千秋之寶鑑乃止萬民之籲更後十

載為期日居月諸

君之望有如其歲會萃時合

天弗違而況於人

熙運今逢羣情增忭惟天數五元轅泰筴之重聞嶽呼

三律轉伶簫之八遂聯章而上請始

鑒惻以

俯俞吉祚大來

恩綸沛降元正

錫宴釂醴醑于螭頭解澤申仁銜

天書于鳳口生民以來未有盛四蠲惟正之供詩書所  
稱何以加三年有成之效

賜服官者爵一級用及于爾所生申曲赦以法三章俾  
從欲予以治馨香至德告祠于天下名山大川粟



帛隆施徧及於海隅蒼生黎獻

恩榜聯開於比歲青袍咸奮甲科奏名特放乎耆儒絳  
縣不書亥字是以

鴻庥景附鱗集仰流例覲年班元會新來五國恒披奏  
牘外臺亦報百齡象獻文身驃呈金葉敏闕請吏嘉南  
阮之歸忠詣

闕來王駘東風而上

壽迺于青陽之月特舉

蒼輅之巡至岱宗秩山川玉檢陋登封之碣

幸闕里觀禮器金聲發

御極之碑既歲上儀載修

盛典琅書屢續欲至於萬年寶籙新增惟佑於一德象

成作樂聿昭

崇殿之金鏞

稽古右文重勒

辟雍之石鼓至矣盡矣皇哉唐哉備開坤珍爰鐫

御寶繼

信天

古稀而有作得

聖之時發禹叙箕演所未聞于

帝其訓苞苻啟蘊席上瑞以膺圖裨海臚歡祝

蕃釐以第頌而臣備員禮署忝列詞垣冀竭涓埃仰慕

天日依唐臣之舊韻效舜陞之賡歌開寶之事無足言

彼何為而有作

唐虞之際斯為盛第自愧其不文曰雨暘燠寒風時備  
徵克念如山阜岡陵川至恭進長言

聖筭苞符闡

皇禔第祿康

八徵疇演範億紀節乘章歲琯庚橫卜星弧丙叶方祇  
勤

心念耄誕佑

福膺長軒藻文琳耀姚圖翠版香上元基積筭瑞籙獻

東王

黼宸

恭成久權輿懋迪

前繹思隆啟鑄秩禮必升煙照世三千畧齋心卅六絃見

知

躬率

祖時若

道欽

天景並暘暉煥華增霽陰妍大寰羅泰寓展

慶筦昌年

獻民

廩固本

勵政飭崇虛大有輪年賦同人系世居井籌河海涇田  
課麥蠶初振廩覘封牘弛繆迨出車丁夫恬樂利  
戎尉被豐餘熙若春臺上淳風茂赫胥

書契恢皇遽光華被

帝宸百家陶仰鑄七閣藻含春

天縱閔稽古

雲章倬咏仁

敷言標治統

立教澤儒身儀永羲娥曜情逾周孔臣

文千

詩四萬日煥

祕函新

允武六師靖

成勲九奏同

先幾孚介石勝纛滿祥風  
馬秣桃關再蠻爭毳幕空天  
方皆典屬海國屢

膚功

至論垂開感

神謀運作聰

德威駢助順



吳貺昇求宗

圖益坤維外輪周亥步時瀛濛杯泛遠岫味晷量  
遲闌壁宛駒貢淮琛越雉詩近藩供塞宴諸部按  
邊旗貝葉函經使朱波納款思日南冠帶襲

鴻化景

天墀

禮文昭損益樂律備中和法物陶匏

正元音鑄特多

臨雍橋映壁在泮

輦迴珂

萬歲金鑄奏

重光石鼓歌期頤恩載

譙更老

議無過鉅典昌明會微涓匪

聖波

懿鏢遵遼瀋

時巡重鎬京東封嶽神秀西禮佛光明

翠葆吳旂展春潮越練生

樂山兼樂水占雨復占晴瑞靄嵩呼應仁風甸服清  
仙莊多歲月芝蓋擁霞城

智攬官人哲才蒸髦士林九階登俊廣六勝沛

恩深最慎瑕瑜辨旁求韜鐸音露雷胥

造化日月在

淵襟順則安和宇颺言喜起心孜孜成

郵治

宵旰惜分陰

興蓋祥爭壯京垓數莫知萬方覲王會

五代繞孫枝

壽筭康寧晉

乾爻健順隨

卷貽

釐用輯抑戒

訓攸垂春氣三皇合脩齡六帝卑微臣叨典禮鞠膺上  
鴻儀

萬壽恭頌九章

謹序

禮部侍郎直隸學政臣劉墉

臣聞貞元運世璇樞延軒筴之釐魏煥當陽綿宇  
曼堯年之祉爛丹文於鳳紀枝幹恒春輝黃氣於  
珠垣景卿齊曜八徵叙範如疇應

開案之期

五代顏堂周昉衍本支之世遠徠邇懌臚棗幣於父閭  
歲稔時和燦珠囊於調幕合八八遞生之贏數大

闡

乾符際五五相得之祥年欣增

泰筴曠遠古之嘉會至

今日而獨隆欽惟我

皇上久道化成法

天行健瑤光鏡宇上階陳六泰之符華蓋族車中極運四

和之柄撫五辰以凝庶績翠鸚調司普八表以揚  
仁風朱戟息瘴逮至蠟涓雙護春雨

膏濡訖於烏澌狼臙秋霜

今肅垓埏廣袤皇矣益地之圖經緯光昌煥乎崇文之  
館惟不息則久徵悠遠要在

至誠由無易以成明章康斯為來備

佛天佛日歸功德於

無量尊前

壽世壽人紀春秋於

大椿歲裏是惟

福因德致

治與道融

執契象於皇春

勅時幾於帝毫

青壇耜畝涓吉亥以推犁

蒼殿祈年練上辛而秉鬯雨分雪尺較量入



乙夜之詩雲潤日暄祠禱肅

寅階之禮劬農正薦咸登玉燭於芳茲偏壤劬鴻盡

貸珠倉以粒我輦宣防則瀛壖瀆溢六番東

虞狩機宜暢濳洩則淀渚津躔千里溥

殷畿樂利凝

釐蒼籙金蓮選佛之場

肆武白藏木蘭獮田之典記今歲韶開嶰簫正

東巡秩檢雲巒堂拜金絲撫十器而顯

孔思頌臚崧嶽合曼碩以僚魯詹凡

奉若而弗違皆無逸以作所若乃

詩函數萬緼瑟吟

虞軫之篇

文類盈千苞絡啟

義圖之秘排成籤帙淵源分及支流抄入巾箱韋布許

窺中秘以五音合五調十二噀和繼后夔於一字

定一聲三百篇圈訛載堦

闡大千經義象載緒成

辨半滿梵音龍書寫就

考鴻都之石碣秦權則說正莆田

集蝌籀之殘文周雅則詩鐫獵鼓

表章經學於今並試夫甲科

釐正文風自昔幾頌夫

申命喬皇俊偉茂矣尚哉至於戒亭虛候扶木掃氛開

二萬里星屯步連葱雪列冊八家毳幕障徹龍沙

紫閣麟袍鏡吹奏黃門之凱紅綃鯢壑將軍策橫海  
之勲

恩從風翺瑞干雲呂所以淶江貢鰈青海徠鷁荷蘭款  
塞之降番銀簪叩鼓竺印繙經之衛藏金甌書函  
六詔羣趨棧烏蒙而獻象十年壹見筐赤芾於紃  
牛復有甫紹景風來隨繡斧其人秀雅近伏波銅  
柱之標厥篚元黃嗤莫氏金身之代賡詩章以祝  
嘏鞞籥咸吹籲

法服以章身

軒裳恪守衣冠既錫

帝乃嘉允其誠典禮如常爾仍勿改其舊時則

仙莊秋霽

行幄日長

澹泊敬誠之殿

需賚琿筵要荒侯甸之臣旅趨

瓊苑飲

福源而猷德儀

壽趾以徠聲於是

霞蹕旋秋月輪紀桂轅童壤叟瞻咫尺之

宸顏巷舞衢歌效三呼之嵩祝導

西華之

玉路煙陌祥飛拱

北極之丹暉風區闐集鞭鳴啟

殿仗馬則列舞雲齊鼓節趨

朝闈象則負瓶日麗金吾隊裏分六十四旄頭雲罕  
之章鈿砌闌邊脩八十一綉葆牙幢之綯耆臣鮐背  
侍

戎陞而儲歡廷秩鵷班聽雲門而肅拜生民以來未  
有曰欲至於

萬年

聖人之壽如

天古更稀於七袞彼梁宋有元之帝曷擬

鴻庥卽唐虞大夏之朝遜臻

龐祉然而

孜孜猶曰

浩浩其天

朝正元會之辰鳳司乍奏

敷錫庶民之福

龍綽先頒按舜牧而復正供穀人益裕溥周佃而輸租

帑逋牒全難章倬星潢



特榜則雋科疊奏珂鳴仙佩具僚則清級榮除亥身題  
絳縣之年門

旌綽楔

甲令弛丹書之隸草長園扉望徧類裡薦

德馨於嶽瀆孤惇鰥寡

賚仁粟於天民允宜慶洽由庚庥滋見丙

得位祿名而歸之壽歲律循環合運會世而統於元

雲仍奕葉臣身依

鰲禁世席

鴻慈夙聯卿月之班

崇深莫贊近荷使星之出

高厚彌叨欣嘉會於

中天幸賡光於

上瑞絢流芝檢願雨暘燠寒風時

祚永蘿圖為萬億秭垓京兆繹百順之為福敢罄管窺

雖指之忱肆九如以答

君祇慚萊北臺南之雅其辭曰

皇建有極

柄挈四時均禧宙合第祿罄宜

潢階脩福堂構崇基皇王遜軌長受

鴻釐 其一

緹籥闐庚璇衡大壯地十衍成天三協向綠字攄  
徵

丹宸承

貺永念在茲

皇風丕嘽

其二

自

天降康蕃禔嶢卽惟幾惟康時萬時億罄域梯霄飲

和食

德篆玉昭文珍禕是式

其三

文治覃粍

武功景鑠土宇販章增其式廓晷緯昭融琛符燾慕瑞

猗仁萼松芝喬鶴

其四

道光上燭協氣下翔喁和揆景連襪倚裳曰

父母慶洗腆是將

上儀具舉如熙春陽

其五

庶惻載敷展典斯

俞豫戒華侈樂惟民俱春酒在堂樂府騰衢綏眉綽綽

皇心則愉

其六

伊嘏我

皇用大和會北燮南諧鞮寄罔外

湛露霑

德輝仰藹

茂對育萬

錫保耆艾

其七

顯鑠隆懿

申命用庥瓊籌跨鹿玉杖扶鳩纓綏進秩稔黍裕謀翺

蠕跂喙萬化承流

其八


開韶翊運

顯謨攸續起元

體乾延喜式玉中獲應咸銘湯受頊於萬斯年適光

寶錄

其九



八旬萬壽盛典卷九十五